

佛说八佛名号经

隋北天竺三藏法师阇那崛多译



南無本師釋迦牟尼佛


说明

本简体校正版《佛说八佛名号经》电子书，根据《乾隆大藏经》大乘五大部外重译经，第 0298 部，隋北天竺三藏法师阇那崛多译《佛说八佛名号经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年八月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说八佛名号经¹

隋北天竺三藏法师闍那崛多译²

如是我闻：

一时，佛在舍卫国祇树给孤独园，与大比丘僧千二百五十人俱；复有大乘众菩萨摩訶萨十千人俱。

尔时，世尊与无量无数百千万众，前后围绕，而为说法。

尔时，尊者舍利弗，于大众中即从座起，偏袒右肩，右膝著地，向佛合掌，而白佛言：“世尊！我有疑心，今欲发问，惟愿如来怜愍众生，为我解说。”

尔时，世尊告舍利弗言：“善男子，随汝所问，若有疑心，吾当为汝分别解说。”

时，舍利弗蒙佛印可，许决疑网，欢喜踊跃，即白佛言：“世尊！颇有现在十方世界诸佛世尊，往昔愿力常为众生现在说法，彼诸如来所有名号，若善男子及善女人，欲得诵持此诸佛名，若读、

¹ 大正藏：八佛名号经

² 大正藏：隋天竺三藏闍那崛多译

若闻及以书写，缘是功德，便于阿耨多罗三藐三菩提得不退转，无所缺减，至于无上正真之道，速得成于阿耨多罗三藐三菩提者不？”

尔时，世尊告舍利弗言：“善哉，善哉！善男子，汝所咨问真妙辩才，为于来世无量众生广作利益，慈悲哀愍一切天人，能问如来如斯奥义。是故，汝今谛听谛受，善思念之，吾当为汝分别解说。”

舍利弗言：“唯然！世尊！愿乐欲闻。”

尔时，世尊告舍利弗言：“善男子，东方去此过一恒河沙世界，有一佛刹名难降伏，于彼国土有佛世尊，号善说称功德如来、至真、等正觉，于今现在为诸大众说微妙法。

“复次，舍利弗，从此东方过二恒河沙世界，有一佛刹名无障碍，于彼国土有佛世尊，号因陀罗相幢星王如来、至真、等正觉，于今现在亦为大众说微妙法。

“复次，舍利弗，从此东方过三恒河沙世界，有一佛刹名曰爱乐，于彼国土有佛世尊，号普光明功德庄严如来、至真、等正觉，于今现在亦为大众说微妙法。

“复次，舍利弗，从此东方过四恒河沙世界，

有一佛刹名曰普入，于彼国土有佛世尊，号善斗战难降伏超越如来、至真、等正觉，于今现在亦为大众说微妙法。

“复次，舍利弗，从此东方过五恒河沙世界，有一佛刹名曰净聚，于彼国土有佛世尊，号普功德明庄严如来、至真、等正觉，于今现在亦为大众说微妙法。

“复次，舍利弗，从此东方过六恒河沙世界，有一佛刹名无毒主，于彼国土有佛世尊，号无碍药树功德称如来、至真、等正觉，于今现在亦为大众说微妙法。

“复次，舍利弗，从此东方过七恒河沙世界，有一佛刹名罽³塞香满，于彼国土有佛世尊，号步宝莲华如来、至真、等正觉，于今现在亦为大众说微妙法。

“复次，舍利弗，从此东方过八恒河沙世界，有一佛刹名妙音明，于彼国土有佛世尊，号宝华⁴善住娑罗树王如来、至真、等正觉，于今现在亦为大众说微妙法。

“舍利弗，是等诸佛如来、至真、等正觉，

³ 大正藏：侧；永乐北藏及龙藏：罽

⁴ 大正藏：莲花；永乐北藏及龙藏：华

如是佛刹清净无秽，无有五浊，复无五欲，其中众生无有谄曲虚伪之心，亦无欲行及以女人。

“复次，舍利弗，若善男子及善女人，得闻彼等诸佛世尊如是名号，既得闻已能自受持读诵修行，复为他人宣扬显说，彼善男子及善女人，若堕三恶道者无有是处；唯⁵除五逆、诽谤正法及谤圣人。

“复次，舍利弗，若善男子、善女人，得闻彼等诸佛世尊如是名号，既得闻已能自受持读诵修行，复为他人宣扬显说，如是之人乃至菩提，于其中间生生之处常具五通，兼复速得诸陀罗尼，六根完具无诸残缺，常得欢喜身毛右旋。

“复次，舍利弗，若善男子及善女人，得闻彼等诸佛世尊如是名号，既得闻已能自受持读诵修行，复为他人宣扬显说，彼等众生所在之处，县官、恶贼不能得便，火不能焚、水不能漂，恶龙恶蛇不能毒害；若行若住，师子、虎狼、熊罴、豺豹，夜叉、罗刹、诸恶鬼神、鸠槃荼等及人非人，能作惊惶无有是处，唯⁶除宿殃。

“复次，舍利弗，若有女人，能厌其身，系

⁵ 大正藏：惟；永乐北藏及龙藏：唯

⁶ 大正藏：惟；永乐北藏及龙藏：唯

念专心，受持读诵如是世尊诸佛名号，复为他人分别显说，寿终之后，更复受于女人身者，无有是处。

“复次，舍利弗，若有善男子、善女人，于静夜中能诵如是诸佛名号，是等众生，于现世间所作功业皆速成就，日日增长，无诸障碍。”

尔时，世尊欲重明此义，而说偈言：

若有诸众生	能持是佛名
悉舍诸恶道	速生于善处
常在诸佛前	恒闻说妙法
既覩无上尊	随心而供养
诵持佛名故	超亿千万劫
一切诸烦恼	疾速 ⁷ 得菩提
若人满十 ⁸ 日	能诵是佛名
即得清净眼	便能见诸佛
若有闻佛名	即能诵持者
随其所生处	常为他所敬
相好形端正	常生福乐家
喜心行大舍	聪明不放逸
若有诸女人	闻此佛名故

⁷ 大正藏：成；永乐北藏及龙藏：速

⁸ 大正藏：七；永乐北藏及龙藏：十

自诵为他说 其福不可量
于此寿终已 必舍女人报
得受丈夫身 生生常利根
诵持佛名故 多百亿劫中
口气常芬馥 恒如栴檀香
彼等诸大仙 如是诸名字
若能诵持者 细心不放逸
诵持佛名故 父母及兄弟
并余诸眷属 终无异苦恼
诵持佛名故 一切魔波旬
黑暗众眷属 终不能障碍
恶毒不能害 刀杖水⁹火等
县官恶贼盗 一切不能伤
诵持佛名故 千亿诸劫中
常生宝莲华 威相神通具
常在虚空中 遍不思议刹
观诸异佛土 刹中清净者
证无上道已 普为诸杂类
诸天及世人 能作归依处

佛说是经已，长老舍利弗及天、龙、夜叉、乾闥婆、阿修罗、迦楼罗、紧那罗、摩睺罗伽、

⁹ 大正藏：及；永乐北藏及龙藏：水

人非人等，一切大众，闻佛所说，欢喜奉行。

佛说八佛名号经¹⁰

¹⁰ 大正藏：八佛名号经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚩诃. 摩诃斫迦囉嚩吽.

(以下合掌三称)

南無东方难降伏世界善说称功德如来

南無东方无障碍世界因陀罗相幢星王如来

南無东方爱乐世界普光明功德庄严如来

南無东方普入世界善斗战难降伏超越如来

南無东方净聚世界普功德明庄严如来

南無东方无毒主世界无碍药树功德称如来

南無东方旻塞香满世界步宝莲华如来

南無东方妙音明世界宝华善住娑罗树王如来

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝟飞无损。不逢八难，不缺四缘。般若智以

现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

十方三世一切佛，一切菩萨摩诃萨，摩诃般若波罗蜜

三皈依

(一遍)

自皈依佛，当愿众生，体解大道，发无上心。
自皈依法，当愿众生，深入经藏，智慧如海。
自皈依僧，当愿众生，统理大众，一切无碍，和南圣众。



此咒置经书中可灭误跨之罪

南无护法韦驮尊天菩萨

